



# SLUŽBENE NOVINE

## KANTONA SARAJEVO

Godina XXIII – Broj 17

Četvrtak, 26. aprila 2018. godine  
SARAJEVO

ISSN 1512-7052

### KANTON SARAJEVO

#### Skupština Kantona Sarajevo

Na osnovu člana 12. tačka b. i člana 18. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97 (Amandmani I-XIII), 14/00 (Amandmani XIV-XV) i 4/01, 28/04 (Amandmani XIX-XLII) i 6/13 (Amandmani XLIII-XLIX)), člana 3. Zakona o ustanovama ("Službeni list RBiH", broj 6/92, 8/93 i 13/94), člana 21. Zakona o srednjem obrazovanju ("Službene novine Kantona Sarajevo", broj 23/17), Skupština Kantona Sarajevo, na sjednici održanoj dana 10.04.2018. godine, donijela je

#### ODLUKU

#### O DAVANJU SAGLASNOSTI ZA OSNIVANJE SREDNJE ŠKOLE "MAARIF HIGHSCHOOL" (SREDNJA ŠKOLA "MAARIF")

##### I

Daje se saglasnost za osnivanje privatne srednje škole naziva: Maarif Highschool (Srednja škola "Maarif") sa sjedištem u Sarajevu, ulica Hasiba Brankovića br. 2A, Općina Novi Grad, Sarajevo.

##### II

Srednja škola "Maarif Highschool" je ustanova u privatnom vlasništvu Osnivača - BH MAARIF d.o.o.

##### III

Osnivač će iz vlastitih sredstava finansirati rad srednje škole.

##### IV

Ova odluka stupa na snagu danom donošenja, primjenjivat će se od 2018./2019. školske godine, a objavit će se u "Službenim novinama Kantona Sarajevo".

Broj 01-05-17922/18  
10. aprila 2018. godine  
Sarajevo

Predsjedateljica  
Skupštine Kantona Sarajevo  
Prof. Ana Babić, s. r.

#### Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 122. sjednici održanoj 19.04.2018. godine, donijela

#### ODLUKU

#### O DOPUNAMA ODLUKE O UTVRĐIVANJU DOMENA I PODDOMENA INTERNET PORTALA U KANTONU SARAJEVO

##### I

U Odluci o utvrđivanju domena i poddomena internet portala u Kantonu Sarajevo ("Službene novine Kantona Sarajevo", br. 31/09, 52/12, 17/15, 25/17) na kraju tačke IV-a dodaju se nove alineje koje glase:

- "stranica za liste lijekova Kantona Sarajevo, <http://il.ks.gov.ba>
- stranica za registar imenovanih lica Kantona Sarajevo, <http://il.ks.gov.ba>
- GIS prostornog planiranja Kantona Sarajevo, <http://gispp.ks.gov.ba>".

##### II

Za provođenje ove Odluke se zadužuje Zavod za informatiku i statistiku Kantona Sarajevo.

##### III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19440-23/18  
19. aprila 2018. godine  
Sarajevo

Premijer  
Adem Zolj, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14) i člana 25. Zakona o mladima Federacije Bosne i Hercegovine ("Službene novine Federacije BiH", broj 36/10), Vlada Kantona Sarajevo je, na 122. sjednici održanoj 19.04.2018. godine, donijela

#### ODLUKU

#### O SUBVENCIONIRANJU RJEŠAVANJA STAMBENOG PITANJA MLADIH

##### I

(Predmet Odluke)

Ovom odlukom propisuju se sredstva, uslovi, kriteriji bodovanja, postupak podnošenja prijave i utvrđivanja rang liste za subvencioniranje rješavanja stambenog pitanja mladih, notarski obradena isprava o obavezi kandidata i postupak dodjele sredstava.

II

(Sredstva za subvencioniranje rješavanja stambenog pitanja mladih)

- (1) Sredstva za subvencioniranje rješavanja stambenog pitanja mladih planiraju se u budžetu Kantona Sarajevo u okviru Ministarstva prostornog uređenja, građenja i zaštite okoliša Kantona Sarajevo (u daljem tekstu: Ministarstvo) za svaku budžetsku godinu.
- (2) Ministarstvo na ime subvencioniranja rješavanja stambenog pitanja mladih kandidatu po redosljedju sa konačne rang liste isplaćuje iznos od 10.000,00 KM.

III

(Značenje pojedinih pojmova)

Pojmovi upotrijebljeni u ovoj odluci imaju sljedeće značenje:

- a) "Subvencioniranje" je odobravanje nepovratnih novčanih sredstava na ime rješavanja stambenog pitanja mladih,
- b) "Rješavanje stambenog pitanja" - podrazumijeva kupovinu stana ili kuće u novogradnji ili korištenih,
- c) "Lice koje nema riješeno stambeno pitanje" je lice koje samo kao i članovi njegovog porodičnog domaćinstva, nisu vlasnici stana ili porodične kuće i nisu nosioci stanarskog prava u mjestu rođenja na području Bosne i Hercegovine i teritoriji Kantona Sarajevo,
- d) "Invalidnost" - podrazumijeva procenat invalidnosti utvrđen u skladu sa odredbom člana 56. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09) i odredbama člana 39. Zakona o penzijskom i invalidskom osiguranju ("Službene novine Federacije BiH", broj 13/18),
- e) "Član porodičnog domaćinstva" je bračni ili vanbračni partner, dijete rođeno u braku ili van braka, usvojenik i drugo lice koje je podnositelj prijave dužan izdržavati, a živi sa imenovanim u zajedničkom domaćinstvu u zadnje tri godine,
- f) "Bračna zajednica" je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", br. 35/05 i 41/05),
- g) "Vanbračna zajednica" je zajednica života žene i muškarca koji nisu u braku ili vanbračnoj zajednici sa drugom osobom, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine ("Službene novine Federacije BiH", br. 35/05 i 41/05).

IV

(Uslovi za subvencioniranje rješavanja stambenog pitanja mladih)

Uslove koje kandidat za subvencioniranje rješavanja stambenog pitanja mladih mora ispuniti su:

- a) da je starosne dobi od navršениh 18 godina do navršениh 35 godina u momentu podnošenja prijave,
- b) da je državljanin Bosne i Hercegovine,
- c) da ima prebivalište na području Kantona Sarajevo u toku posljednje tri godine prije podnošenja prijave,
- d) da nema riješeno stambeno pitanje,
- e) da nije bio vlasnik stana ili kuće koju je otudio pravnim poslom,
- f) da prodavač stana ili kuće nije roditelj, brat ili sestra kandidata ili roditelj, brat ili sestra bračnog partnera kandidata,
- g) da je zaključio notarski obrađen ugovor o kupoprodaji stana ili kuće u periodu od 01.01.2017. godine do dana podnošenja prijave po javnom pozivu za subvencioniranje rješavanja stambenog pitanja mladih,
- h) da je dostavio notarski obrađenu ispravu o obavezni kandidata,

- i) da nije ostvario pravo po projektu Ministarstva za rješavanje stambenog pitanja putem kupovine stana pod povoljnijim uslovima, po projektu Ministarstva za rješavanje stambenog pitanja mladih putem zakupa uz obavezu kupoprodaje stana ili po projektu Ministarstva za subvencioniranje rješavanja stambenog pitanja mladih, što Ministarstvo utvrđuje na osnovu službene evidencije.

V

(Kriteriji za bodovanje)

Kriteriji za određivanje broja bodova i utvrđivanja reda prvenstva kandidata su:

- a) starosna dob,
- b) stepen stručne spreme,
- c) broj članova porodičnog domaćinstva,
- d) deficitarnost kadrova,
- e) priznati naučni rad, kulturni nastup i izložba, sportski i profesionalni uspjeh, renomirano svjetsko, evropsko i drugo javno priznanje za rezultat u radu,
- f) boravak na području Bosne i Hercegovine,
- g) član porodice šehida, poginulog ili nestalog borca,
- h) stepen invalidnosti,
- i) kupoprodajna cijena stana ili kuće iz ugovora,
- j) zajedničko apliciranje bračnih ili vanbračnih partnera.

VI

(Starosna dob kandidata)

Broj bodova koji se dodjeljuje po osnovu kriterija starosna dob kandidata je:

- a) do navršениh 30 godina starosti - 15 bodova,
- b) od navršениh 30 do navršениh 35 godina starosti - 10 bodova.

VII

(Stručna sprema kandidata)

Broj bodova koji se dodjeljuje po osnovu kriterija stepen stručne spreme je:

- a) doktor nauka. . . . . 30 bodova,
- b) magistar nauka ili završen drugi ciklus visokog obrazovanja sa ostvarenih ukupno 300 ECTS bodova . . . . . 25 bodova,
- c) VSS ili završen prvi ciklus visokog obrazovanja u četvorogodišnjem trajanju sa ostvarenih 240 ECTS bodova, prvak opere, drame i baleta . . . . . 20 bodova,
- d) VSS ili završen prvi ciklus visokog obrazovanja u trogodišnjem trajanju sa ostvarenih 180 ECTS bodova, . . . . . 15 bodova,
- e) SSS . . . . . 10 bodova,
- f) NS . . . . . 5 bodova.

VIII

(Broj članova porodičnog domaćinstva)

Broj bodova koji se dodjeljuje po osnovu kriterija broj članova porodičnog domaćinstva, za svakog člana porodičnog domaćinstva računajući i podnosioca prijave . . . . . 3 boda.

IX

(Deficitarnost kadrova)

Po osnovu deficitarnosti kadrova . . . . . 5 bodova.

X

(Priznati naučni rad, kulturni nastup i izložba, sportski i profesionalni uspjeh, renomirano svjetsko, evropsko i drugo javno priznanje za rezultat u radu)

- (1) Broj bodova koji se dodjeljuje po osnovu kriterija priznati naučni rad, kulturni nastup i izložba, sportski i profesionalni uspjeh, te renomirano svjetsko, evropsko i drugo javno priznanje za rezultat u radu je:
  - a) osvajač medalje na svjetskom prvenstvu i olimpijadi u sportu ili osvajač svjetskog renomiranog priznanja i

nagrade u oblasti nauke, tehnike, kulture, umjetnosti i informatike uključujući i priznanja umjetničke kritike . 5 bodova.

- 1) osvajač zlatne medalje (max. tri medalje) . . 1 bod,
  - 2) na broj bodova iz tačke a) dodaje se broj bodova iz podtačke 1),
  - b) doprinos kroz patent dokazan ili certificiran od strane ovlaštene institucije i doprinos u nauci, tehnici i tehnologiji kroz inovaciju dokazanu ili certificiranu od strane ovlaštenih institucija . . . . . 5 bodova,
  - c) osvajač medalje na evropskom prvenstvu u sportu ili osvajač evropskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike . . . . 3 boda,
    - 1) osvajač zlatne nagrade (max. tri nagrade) . . 1 bod,
    - 2) na broj bodova iz tačke c) dodaje se broj bodova iz podtačke 1),
  - d) osvajač medalje na regionalnom i na državnom prvenstvu u sportu ili osvajač regionalnog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike . . . . 2 boda,
    - 1) osvajač prvog mjesta (max. tri prva mjesta) . 1 bod,
    - 2) na broj bodova iz tačke d) dodaje se broj bodova iz podtačke 1).
- (2) Maksimalan broj bodova po svim elementima iz stava (1) ove tačke je . . . . . 10 bodova.

XI

(Boravak na području Bosne i Hercegovine)

- (1) Broj bodova koji se dodjeljuje po osnovu kriterija boravak na području Bosne i Hercegovine:
  - a) za svaku godinu provedenu na području Kantona Sarajevo u periodu trajanja ratnog stanja (20.04.1992. do 20.12.1995. godine),. . . . . 3 boda,
  - b) za svaku godinu provedenu na području Kantona Sarajevo izvan perioda trajanja ratnog stanja (20.04.1992. do 20.12.1995.) od dana punoljetstva do dana apliciranja na javni poziv po ovoj odluci. . . . . 1 bod.
- (2) Maksimalan broj bodova po svim elementima iz stava (1) ove tačke je 25 bodova.

XII

(Član porodice šehida, poginulog ili nestalog borca)

Broj bodova koji se dodjeljuje po osnovu kriterija član porodice šehida, poginulog ili nestalog borca - 10 bodova.

XIII

(Stepen invaliditeta)

- (1) Broj bodova koji se dodjeljuje po osnovu kriterija stepen invaliditeta u skladu sa odredbom člana 56. Zakona o osnovama socijalne zaštite, zaštite civilnih žrtava rata i zaštite porodice sa djecom je:
  - a) za lice sa invaliditetom sa 20-30% oštećenja organizma . . . . . 2 boda,
  - b) za lice sa invaliditetom sa 30-40% oštećenja organizma . . . . . 3 boda,
  - c) za lice sa invaliditetom sa 40-50% oštećenja organizma . . . . . 4 boda,
  - d) za lice sa invaliditetom sa više od 60% oštećenja organizma. . . . . 5 bodova,
  - e) za svakih narednih 10% oštećenja organizma dodaje se po . . . . . 2 boda.
- (2) Broj bodova koji se dodjeljuje po osnovu kriterija stepen invalidnosti u skladu sa odredbama člana 39. Zakona o penzijskom i invalidskom osiguranju je:
  - a) za I kategoriju invalidnosti . . . . . 10 bodova,
  - b) za II kategoriju invalidnosti . . . . . 5 bodova.

XIV

(Kupoprodajna cijena stana ili kuće iz ugovora)

- Broj bodova koji se dodjeljuje po osnovu kriterija kupoprodajna cijena stana ili kuće iz ugovora je:
- a) kupoprodajna cijena do 70.000,00 KM . . . . 15 bodova,
  - b) kupoprodajna cijena od 70.000,00 KM do 100.000,00 KM. . . . . 10 bodova,
  - c) kupoprodajna cijena preko 100.000,00 KM . . 5 bodova.

XV

(Zajedničko apliciranje bračnih ili vanbračnih partnera)

- (1) Bračni ili vanbračni partner aplicira zajedno jednom aplikacijom uz ovjerenu izjavu koji će od njih biti podnositelj prijave.
- (2) U slučaju da bračni ili vanbračni partner podnosioca prijave ispunjava uslove iz tačke IV ove odluke, na broj bodova koje dobije podnositelj prijave, dodaje se jedna trećina bodova koje dobije njegov bračni ili vanbračni partner po osnovu kriterija iz tačke VI, VII, IX, X, XI, XII i XIII ove odluke.

XVI

(Redoslijed na rang listi u slučaju jednakog broja bodova)

U slučaju jednakog broja bodova, prednost na rang listi se daje kandidatu koji je dobio veći broj bodova prema redoslijedu kriterija iz tačke V ove odluke, a u slučaju istog broja bodova i po tom osnovu, kandidati se na listi reda prvenstva upisuju po abecednom redu prezimena i imena kandidata.

XVII

(Dokumentacija uz prijavu na javni poziv)

Uz prijavu na javni poziv, kao dokaz da ispunjava uslove iz tačke IV ove odluke i dokaz za utvrđivanje broja bodova po kriterijima iz tačke V ove odluke, kandidat dostavlja slijedeću dokumentaciju:

- a) izvod iz matične knjige rođenih,
- b) uvjerenje o državljanstvu,
- c) uvjerenje Ministarstva unutrašnjih poslova Kantona Sarajevo o kretanju,
- d) uvjerenje nadležnog suda da kandidat i članovi njegovog porodičnog domaćinstva nisu vlasnici stana ili porodične kuće u mjestu rođenja na području Bosne i Hercegovine i na području Kantona Sarajevo,
- e) potvrdu izdatu od nadležnog organa (Kantonalni stambeni fond Sarajevo i nadležni organ u mjestu rođenja), da podnositelj prijave i članovi njegovog porodičnog domaćinstva nisu nosioci stanarskog prava na području Kantona Sarajevo i u mjestu rođenja na području Bosne i Hercegovine,
- f) izjavu kandidata ovjerenu kod nadležnog organa, da on i članovi njegovog porodičnog domaćinstva nisu bili vlasnici stana ili kuće koju su otuđili pravnim poslom,
- g) izjavu kandidata ovjerenu kod nadležnog organa da prodavač stana ili kuće nije roditelj, brat ili sestra kandidata ili roditelj, brat ili sestra bračnog partnera kandidata,
- h) notarski obrađen ugovor o kupoprodaji stana,
- i) notarski obrađenu ispravu o obavezi kandidata,
- j) diplomu o završenoj stručnoj spremi,
- k) izvod iz matične knjige rođenih za članove porodičnog domaćinstva,
- l) potvrdu službe za zapošljavanje Kantona Sarajevo da na evidenciji nezaposlenih nema odgovarajućeg kadra, kao dokaz za kriterij deficitarnost kadrova,
- m) ispravu odnosno mišljenje nadležne institucije za kriterij iz tačke X ove odluke,
- n) potvrdu obrazovne ustanove o pohađanju škole ili potvrda mjesne zajednice o primanju humanitarne pomoći za period 20.04.1992. do 20.12.1995. godine,
- o) ispravu nadležnog organa za kriterij iz tačke XII ove odluke,
- p) ispravu nadležnog organa o stepenu invalidnosti,

- r) izjavu ovjerenu kod nadležnog organa o zajedničkoj aplikaciji bračnih ili vanbračnih partnera.

## XVIII

(Postupak podnošenja prijave i utvrđivanja rang liste za subvencioniranje rješavanja stambenog pitanja mladih)

Postupak podnošenja prijave i utvrđivanja rang liste za subvencioniranje rješavanja stambenog pitanja mladih se realizuje po sljedećoj proceduri:

- a) Ministarstvo raspisuje javni poziv i objavljuje u najmanje jednim od dnevnih novina, na oglasnoj ploči Kantona Sarajevo, web stranici Kantona Sarajevo i web stranici Ministarstva, sa rokom od 60 dana za podnošenje prijave,
- b) prijavu sa dokazima iz tačke XVII ove odluke kandidat podnosi Komisiji koju imenuje Ministar prostornog uređenja, građenja i zaštite okoliša Kantona Sarajevo (u daljem tekstu: ministar),
- c) Komisija, po prijemu prijave, provjerava ispunjenost uslova iz tačke IV ove odluke na osnovu dostavljene relevantne dokumentacije i isprava priloženih uz prijavu,
- d) Komisija odbacuje prijavu kandidata koji ne ispunjava uslove iz tačke IV ove odluke,
- e) Komisija vrši bodovanje kandidata u skladu sa kriterijima iz tač. VI-XV ove odluke i utvrđuje nacrt rang liste,
- f) nacrt rang liste se objavljuje na oglasnoj ploči Kantona Sarajevo, web stranici Kantona Sarajevo i web stranici Ministarstva. Na nacrt rang liste kandidat može Komisiji uložiti prigovor, uz odgovarajući dokaz, u roku od sedam dana od dana objavljivanja nacrta rang liste. Komisija razmatra prigovor nakon čega informiše podnosioca prigovora o donesenju odluci po prigovoru i utvrđuje prijedlog rang liste koji dostavlja ministru,
- g) konačnu rang listu utvrđuje ministar i objavljuje je na oglasnoj ploči Kantona Sarajevo, na web stranici Kantona Sarajevo i web stranici Ministarstva.

## XIX

(Notarski obrađena isprava o obavezi kandidata)

Kandidat je dužan uz prijavu na javni poziv dostaviti notarski obrađenu ispravu o obavezi kandidata koja sadrži slijedeće elemente:

- a) da se kandidat obavezuje da Ministarstvu dostavi dokaz da je ugovor realizovan i izvršen upis u zemljišne knjige, odnosno knjigu položenih ugovora u roku od godinu dana od dana uplate sredstava na ime subvencije,
- b) da se kandidat, koji je zaključio ugovor o kupoprodaji stana čija izgradnja ne bude završena u roku od godinu dana od dana uplate sredstava na ime subvencije, obavezuje da Ministarstvu u roku od 15 dana po isteku roka od godinu dana, dostavi izjavu investitora ovjerenu kod nadležnog organa da objekat nije završen i da će izvršiti upis u zemljišne knjige, odnosno knjigu položenih ugovora u roku od 60 dana od dana izdavanja upotrebne dozvole za novoizgrađeni objekat u kome se nalazi stan koji je predmet ugovora o kupoprodaji,
- c) da je kandidat saglasan da neće otuđiti stan ili kuću, koji je predmet kupoprodajnog ugovora, u roku od pet godina od dana uplate sredstava na ime subvencije i da će Ministarstvu do 30. januara svake godine dostaviti Izvod iz zemljišnih knjiga za tu nekretninu kao dokaz,
- d) da se kandidat obavezuje, da ukoliko ne izvrši obavezu iz tač. a), b) ili c) ovog stava, Ministarstvu izvrši povrat sredstava uplaćenih na ime subvencije, najdalje u roku od 30 dana po isteku roka iz tač. a), b) ili c) ovog stava.

## XX

(Postupak dodjele sredstava)

- (1) Na osnovu konačne rang liste, ministar na prijedlog Komisije iz tačke XVIII tačka b) ove odluke, sačinjava prijedlog odluke sa imenom i prezimenom kandidata, brojem bodova na rang listi i iznosom novčanih sredstava kojima se

subvencionira rješavanje stambenog pitanja kandidata i prijedlog odluke dostavlja Vladi Kantona Sarajevo na usvajanje.

- (2) Ministarstvo po odluci iz stava (1) ove tačke vrši isplatu sredstava kandidatima na ime subvencioniranja rješavanja stambenog pitanja.

## XXI

(Ravnopravnost spolova)

Gramatička terminologija u ovoj odluci podrazumijeva uključivanje oba spola.

## XXII

(Prestanak važenja ranijeg propisa)

Danom stupanja na snagu ove Odluke prestaje da važi Odluka o subvencioniranju rješavanja stambenog pitanja mladih ("Službene novine Kantona Sarajevo", broj 35/17).

## XXIII

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-19440-18/18

19. aprila 2018. godine  
Sarajevo

Premijer  
**Adem Zolj, s. r.**

Na osnovu člana 10. stav (3) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", broj 51/17), i tač. IV i V stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 18/09) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 122. sjednici održanoj 19.04.2018. godine, donijela

## ODLUKU

**O ODOBRAVANJU IZDVAJANJA SREDSTAVA IZ  
TEKUĆE REZERVE BUDŽETA KANTONA SARAJEVO  
ZA 2018. GODINU**

## I

Iz Tekuće rezerve Budžeta Kantona Sarajevo za 2018. godinu ("Službene novine Kantona Sarajevo", broj 51/17), ekonomski kod 600000 odobrava se izdvajanje sredstava u iznosu 6.900 KM na razdjel 19 - Ministarstvo finansija Kantona Sarajevo, glava 01, potrošačka jedinica 0001, ekonomski kod 614800 - JAS002 - Drugi tekući rashodi - Naknade po presudama Ustavnog suda radi izvršenja Odluka Ustavnog suda BiH br. AP-4461/16 od 20.12.2017. god., AP-4975/16 od 31.01.2018. god. i 4941/16 od 31.01.2018. godine.

## II

Za realizaciju ove Odluke zadužuje se Ministarstvo finansija Kantona Sarajevo.

## III

Ova Odluka stupa na snagu danom donošenja, a objavit će se u "Službenim novinama Kantona Sarajevo."

Broj 02-05-19440-21/18

19. aprila 2018. godine  
Sarajevo

Premijer  
**Adem Zolj, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 20. Zakona o koncesijama ("Službene novine Kantona Sarajevo", broj 27/11 i 15/13), a u skladu sa prijedlogom Komisije za koncesije formirane Rješenjem, broj 02-05-35226-12/17 od 11.12.2017. godine, Vlada Kantona Sarajevo je, na 122. sjednici održanoj 19.04.2018. godine, donijela

**ODLUKU****O POSTOJANJU JAVNOG INTERESA ZA DODJELU  
KONCESIJE ZA EKSPLOATACIJU PODZEMNE PITKE  
VODE IZ BUNARA TB-1 I TB-2, OPĆINA ILIDŽA****I**

Postoji javni interes za dodjelu koncesije za eksploataciju podzemne pitke vode iz bunara TB-1 i TB-2, Općina Ilidža, u obimu od 30 (trideset) l/s i na period od 16 (šesnaest) godina.

**II**

Postupak dodjele koncesije na predmetu koncesije iz tačke I ove odluke će se sprovesti putem pregovora sa privrednim društvom "Termalna rivijera Ilidža" d.o.o. Sarajevo.

**III**

Ukoliko se ne zaključi ugovor o koncesiji sa privrednim društvom iz tačke II ove odluke, samoinicijativna ponuda ovog privrednog društva bit će odbijena.

**IV**

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19440-22/18  
19. aprila 2018. godine  
Sarajevo

Premijer  
**Adem Zolj, s. r.**

Na osnovu člana 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 13. i 20. stav (1) Zakona o koncesijama ("Službene novine Kantona Sarajevo", br. 27/11 i 15/13), Vlada Kantona Sarajevo je, na 122. sjednici održanoj 19.04.2018. godine, donijela

**RJEŠENJE****O FORMIRANJU KOMISIJE ZA KONCESIJE****I**

Formira se Komisija za koncesije u postupku dodjele koncesije za korištenje vode Ramičkog potoka u Resniku bb, Pazarić općina Hadžići u svrhu korištenja već izgrađenog ribnjaka i pratećih objekata, koji će se provoditi na zahtjev privrednog društva "Magazin - Maprim" d.o.o. Sarajevo.

**II**

U Komisiju za koncesije iz tačke I ovog rješenja, imenuju se:

1. Samir Muhamedagić, doc. dr., predsjednik;
2. Senad Mahmutović, dipl. ecc., član;
3. Eldar Proha, dipl. ecc., član;
4. Nedžad Mekić, dipl. ing. građ., član;
5. Nuriya Memić, dipl. ing. maš., član.

Za sekretara Komisije za koncesije imenuje se državni službenik Zlatan Mujak, iz Ministarstva privrede Kantona Sarajevo.

**III**

Zadaci Komisije za koncesije su da:

- ocijeni kompletnost samoinicijativne ponude, dostavljene od privrednog društva "Magazin - Maprim" d.o.o. Sarajevo, za dodjelu koncesije iz tačke I ovog Rješenja,
- procijeni, u skladu sa članom 20. Zakona o koncesijama, da li postoji javni interes za dodjelu koncesije iz tačke I ovog Rješenja,
- dostavi Prijedlog odluke u vezi postojanja/nepostojanja javnog interesa za dodjelu koncesije iz tačke I ovog Rješenja, Vladi Kantona Sarajevo, putem Ministarstva privrede Kantona Sarajevo,
- realizuje zadatke propisane članom 14. Zakona o koncesijama, u slučaju da Vlada Kantona Sarajevo ocijeni da ne postoji javni interes za dodjelu predmetne koncesije i ocijeni opravdanim provođenje postupka putem javnog poziva,

- dostavi Izvještaj o radu Komisije za koncesije, Vladi Kantona Sarajevo, putem Ministarstva privrede Kantona Sarajevo.

**IV**

Rok za realizaciju zadataka Komisije za koncesije, koji se odnose na postupak utvrđivanja postojanja javnog interesa za dodjelu predmetne koncesije je 30 (trideset) dana, počev od dana prijema ovog rješenja.

Rok za realizaciju zadataka Komisije za koncesije, propisanih članom 14. Zakona o koncesijama je 90 (devedeset) dana od dana donošenja Odluke o pristupanju dodjeli koncesije iz tačke I ovog rješenja.

**V**

Naknadu za učešće za vanjske članove u radu Komisije za koncesije utvrdit će posebnim rješenjem Vlada Kantona Sarajevo.

**VI**

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19440-28/18  
19. aprila 2018. godine  
Sarajevo

Premijer  
**Adem Zolj, s. r.**

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 122. sjednici održanoj 19.04.2018. godine, donijela sljedeći

**ZAKLJUČAK**

1. Prihodi od indirektnih poreza koji pripadaju direktijama cesta - Direkciji za puteve Kantona Sarajevo - ekonomski kod 717131 i prihodi od indirektnih poreza na ime finansiranja autocesta i drugih cesta u Federaciji BiH - ekonomski kod 717114, koji su izdvojeni za nadležne kantonalne organe za ceste u Federaciji BiH, a za dio koji se uplaćuje na Depozitni račun Kantona Sarajevo, raspoređuju se u skladu sa Pravilnikom o o načinu uplate javnih prihoda budžeta i vanbudžetskih fondova na teritoriji FBiH ("Službene novine Federacije BiH", broj 33/16, 89/16, 9/17, 33/17, 67/17, 9/18 i 27/18), i to:
  - a) 58% na namjenski račun Direkcije za puteve Kantona Sarajevo koji se nalazi unutar Jedinistvenog računa trezora Kantona Sarajevo i
  - b) 42% na račune općina Kantona Sarajevo.
2. Prihodi iz tačke 1. podtačka b) ovog zaključka raspoređuju se na račune općina Kantona Sarajevo, kako slijedi:
  - 038 Općina Hadžići
  - 040 Općina Ilijaš
  - 077 Općina Centar
  - 078 Općina Ilidža
  - 079 Općina Novo Sarajevo
  - 080 Općina Vogošća
  - 093 Općina Trnovo
  - 108 Općina Novi Grad
3. Za raspodjelu sredstava iz tačke 2. ovog Zaključka primjenjeni su procenti učešća općina u indirektnim porezima koji su definisani Uputstvom o određivanju učešća kantona, jedinica lokalne samouprave i nadležnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2018. godinu ("Službene novine Federacije BiH", broj 101/17) kojim se u omjer uzima: broj stanovnika, površina, broj učenika u osnovnom obrazovanju i nivo razvijenosti općine.
4. Za realizaciju ovog Zaključka zadužuje se Ministarstvo finansija Kantona Sarajevo.
5. Stupanjem na snagu ovog Zaključka stavlja se van snage Zaključak Vlade broj 02-05-21414-11.b/03 od 30.10.2003. godine.

6. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19440-46/18

19. aprila 2018. godine  
Sarajevo

Premijer  
**Adem Zolj**, s. r.

### Ministarstvo za obrazovanje, nauku i mlade Kantona Sarajevo

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), člana 24. st. (8) i (12) Zakona o osnovnom odgoju i obrazovanju ("Službene novine Kantona Sarajevo", br. 23/17 i 33/17) i člana 59. st. (3) i (4) Zakona o srednjem obrazovanju ("Službene novine Kantona Sarajevo", br. 23/17), ministar za obrazovanje, nauku i mlade Kantona Sarajevo donosi

#### PRAVILNIK

### O IZMJENI PRAVILNIKA O INTERNOJ EVALUACIJI ZNA NJA UČENIKA OSNOVNIH I SREDNJIH ŠKOLA I EKSTERNOJ PROCJENI ZNA NJA UČENIKA OSNOVNIH ŠKOLA KANTONA SARAJEVO

Član 1.

U Pravilniku o internoj evaluaciji znanja učenika osnovnih i srednjih škola i eksternoj procjeni znanja učenika osnovnih škola Kantona Sarajevo ("Službene novine Kantona Sarajevo", broj 15/18) član 31. mijenja se i glasi:

"Član 31.

(Izuzeće u primjeni)

- (1) Odredbe člana 6. stav (1) ovog pravilnika u dijelu kojim se propisuje da se za pripremu interne evaluacije znanja u školi formira komisija za internu evaluaciju znanja učenika (u daljem tekstu: komisija) koju imenuje školski odbor, na prijedlog nastavničkog vijeća najkasnije 15 dana prije početka interne evaluacije znanja se ne primjenjuje u školskoj 2017./18. godini.
- (2) Odredba člana 9. stav (2) ovog pravilnika u dijelu kojim se propisuje da su termini interne evaluacije znanja dio Nastavnog kalendara se ne primjenjuje u školskoj 2017./18. godini."

## GRAD SARAJEVO

### Gradonačelnik

Na osnovu člana 23. Odluke o izvršavanju Budžeta Grada Sarajeva za 2018. godinu ("Službene novine Kantona Sarajevo", broj 1/18), a u vezi sa članom 2. stav 1. alineja 3. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Kantona Sarajevo", broj 60/13), Gradonačelnik Grada Sarajeva donosi

#### ODLUKU

### O ODOBRAVANJU SREDSTAVA TEKUĆE REZERVE

Član 1.

Odobravaju se novčana sredstva Brdsko-biciklističkom udruženju "MTBA", Ul. Tekija br. 73a, 88000 Mostar, za sufinansiranje projekta postavljanja jarbola i zastave Bosne i Hercegovine na brdu Fortica iznad Mostara.

Član 2.

Ovaj pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 11/04-38-6900-11/18

13. aprila 2018. godine  
Sarajevo

Ministar  
Prof. dr. **Elvir Kazazović**, s. r.

### Ministarstvo zdravstva Kantona Sarajevo

Ministarstvo zdravstva Kantona Sarajevo, saglasno članu 13. stav 1. tačka 13., te članu 205. stav 1. Zakona o zdravstvenoj zaštiti ("Službene novine Federacije BiH", br. 46/10 i 75/13), a u vezi sa članom 3. stav 1. alineja 1. Pravilnika o načinu pregleda umrlih, te utvrđivanja vremena i uzroka smrti ("Službene novine Federacije BiH", br. 79/13 i 9/14) i člana 70. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), donosi

#### RJEŠENJE

### O DOPUNI RJEŠENJA O IMENOVANJU DOKTORA MEDICINE OVLAŠTENIH ZA PREGLED, UTVRĐIVANJE VREMENA I UZROKA SMRTI OSOBA UMRLIH IZVAN ZDRAVSTVENE USTANOVE NA PODRUČJU KANTONA SARAJEVO

1. U Rješenju o imenovanju doktora medicine ovlaštenih za pregled, utvrđivanje vremena i uzroka smrti osoba umrlih izvan zdravstvene ustanove na području Kantona Sarajevo ("Službene novine Kantona Sarajevo", br. 51/16, 12/17, 18/17 i 14/18) u tački 4. iza zadnje podtačke "4.11" dodaju se tri nove podtačke i to:
  - "4.12. Prim. dr. Jasmina Hanjalić
  - 4.13. Dr. Zakira Pašić
  - 4.14. Dr. Azra Pašić".
 Ostali dio teksta rješenja ostaje nepromijenjen.
2. Ovo rješenje stupa na snagu danom donošenja i biće objavljeno u "Službenim novinama Kantona Sarajevo".

Broj 10-37-5136/18  
16. aprila 2018. godine  
Sarajevo

Ministrica  
**Zilha Ademaj**, s. r.

Član 2.

Novčana sredstva se odobravaju u ukupnom iznosu od 20.000,00 KM (slovima: dvadesethiljada konvertibilnih maraka).

Član 3.

Sredstva iz člana 2. ove odluke odobravaju se na teret pozicije: Tekuća rezerva, Budžet Grada Sarajeva za 2018. godinu.

Član 4.

Gradska služba finansija će sredstva iz člana 2. ove odluke uplatiti na transakcijski račun Sparkasse Bank dd Sarajevo broj 199-544-00596318-59; svrha doznake: sufinansiranje projekta postavljanja jarbola i zastave Bosne i Hercegovine na brdu Fortica iznad Mostara.

Član 5.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/04-14-889-1/18  
19. marta 2018. godine  
Sarajevo

Gradonačelnik  
Mr. **Abdulah Skaka**, s. r.



**ISPRAVKE**

**ISPRAVKA**

U "Službenim novinama Kantona Sarajevo", broj 19 od 18. maja 2017. godine, na 14. strani objavljenog Zakona o upravljanju zajedničkim dijelovima zgrade, ispravlja se sljedeće:

U članu 71. alineja a) u trećem retku u zagradi, umjesto član 35. treba stajati član 25.

Uredništvo



**SLUŽBENE OBJAVE**



**UDRUŽENJA - FONDACIJE**

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "MINET", Ministarstvo pravde i uprave donosi

**RJEŠENJE**

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "MINET", skraćeni naziv je Udruženje "MINET", sa sjedištem u Ilijašu, ulica MALEŠIĆI broj 149.
2. Upis je izvršen pod registarskim brojem 2337. knjiga V registra udruženja, dana 30.03.2018. godine.
3. Programski ciljevi i zadaci Udruženja su: zaštita napuštenih životinja; pomoć i koordinacija kod udomljavanja napuštenih i nezbrinutih životinja; pomaganje u projektima kastracije i sterilizacije pasa i mačaka; transport napuštenih životinja.
4. Osoba ovlaštena za zastupanje i predstavljanje je: Emina Mujić - predsjednik Udruženja.

Broj 03-03-05-3462/18  
30. marta 2018. godine  
Sarajevo

Ministar  
**Mario Nenadić**, s. r.

(O-303/18)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja za promociju kulture višejezičnosti Ciceron, Ministarstvo pravde i uprave donosi

**RJEŠENJE**

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje za promociju kulture višejezičnosti Ciceron, sa sjedištem u Sarajevu, ulica BREKA broj 33.
2. Upis je izvršen pod registarskim brojem 2339. knjiga V registra udruženja, dana 30.03.2018. godine.
3. Programski ciljevi i zadaci Udruženja su: promocija, širenje, razvijanje vrijednosti jezičke kulture i prevodenja; popularizacija stranih jezika, unapređivanje jezičkih disciplina i njihova primjena u Kantonu Sarajevo; edukacija, organizovanje okruglih stolova i seminara iz oblasti stranih jezika, pisane riječi i prijevoda; unapređenje i usavršavanje višejezične komunikacije; promocija učenja stranih jezika i njihove višestruke primjene; usavršavanje prevodilačkih

vještina i kulture prevodenja i drugi ciljevi u skladu sa statutom i zakonom.

4. Osoba ovlaštena za zastupanje i predstavljanje je: Amra Olovčić - predsjednik Udruženja.

Broj 03-03-05-3164/18  
30. marta 2018. godine  
Sarajevo

Ministar  
**Mario Nenadić**, s. r.

(O-304/18)

Ministarstvo pravde i uprave Kantona Sarajevo rješavajući po zahtjevu Udruženja "ŠKOLA RUKOMETA TRIKO", na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02) donosi

**RJEŠENJE**

Prestaje sa radom Udruženje "ŠKOLA RUKOMETA TRIKO", sa sjedištem u Sarajevu, ulica Kralja Tvrtka broj 9, upisano u registar koji se vodi kod Ministarstva pravde i uprave Kantona Sarajevo, rješenjem broj 03-05-05-10570/13 od 24.10.2013. godine, pod registarskim brojem 1858. knjiga IV registra udruženja.

Broj 03-03-05-3912/18  
28. marta 2018. godine  
Sarajevo

Ministar  
**Mario Nenadić**, s. r.

(O-330/18)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja hrvački klub "SARAJEVO", Ministarstvo pravde i uprave donosi

**RJEŠENJE**

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje hrvački klub "SARAJEVO", sa sjedištem u Sarajevu, ulica PROVARE broj 12.
2. Upis je izvršen pod registarskim brojem 2326. knjiga V registra udruženja, dana 28.02.2018. godine.
3. Programski ciljevi i zadaci Udruženja su: poticanje, promocija i razvitak hrvačkog sporta na području grada Sarajeva, Kantona Sarajevo i Bosne i Hercegovine; odgoj i obuka sportiste za postizanje vrhunskih sportskih rezultata na domaćim i međunarodnim sportskim takmičenjima, provođenje sportsko-rekreativnih aktivnosti radi unaprijeđenja zdravlja, tjelesnih sposobnosti i sportske kulture kod djece, mladih, invalida i odraslih osoba; osiguranje materijalno-finansijske osnovice i sredstava za obavljanje sportske djelatnosti, bez prava stjecanja dobiti za svoje članove, osiguranje i stvaranje uvjeta za korištenje sportskih objekata za trening-obuku, sportsko-rekreativnu aktivnost, te pribavljanje sportskih rekvizita i opreme za svoje članove, organiziranje i vođenje sportskih priredbi i takmičenja; briga o svojim članovima, njihovoj zdravstvenoj sposobnosti, te stalno podizanje kvalitete sportaša, unaprijeđenje stručnog rada i osposobljavanje stručnih djelatnika; ekonomično gospodarenje materijalno-financijskim sredstvima, te racionalno korištenje i raspolaganje imovinom u vlasništvu hrvačkog kluba, te korištenje sportskih objekata, promocija sporta putem organiziranja stručnih predavanja, seminara i kurseva; sudjelovanje u organiziranju izvannastavnih ili izvanškolskih učeničkih i školskih tjelesnih aktivnosti za bavljenje sportom; razvijanje sportskog duha, patriotizma i humanih odnosa kod članstva; obavljanje i drugih poslova i zadaća utvrđenih Zakonom, provedbenim propisima i ovim Statutom.

4. Osobe ovlaštene za zastupanje i predstavljanje su: Islam Sadikaj - predsjednik Udruženja i Haris Ačkar - zamjenik predsjednika Udruženja.

Broj 03-03-05-1057/18  
28. februara 2018. godine  
Sarajevo

Ministar  
**Mario Nenadić**, s. r.  
(O-340/18)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženje ljubitelja tavlje "La Vita", Ministarstvo pravde i uprave donosi

#### RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje ljubitelja tavlje "La Vita". Skraćeni naziv je: "La Vita", sa sjedištem u Sarajevu, ulica Olimpijska do broja 34.
2. Upis je izvršen pod registarskim brojem 2341. knjiga V registra udruženja, dana 09.04.2018. godine.
3. Programski ciljevi i zadaci Udruženja su: zalaže se za promociju tavlje kao kulturne i sportske aktivnosti te posebna

podrška uključivanja mladih u cilju očuvanja ovog sporta; razvoj takmičarskog duha među igračima tavlje; vođenje baze podataka aktivnih igrača tavlje na području Kantona Sarajevo; štampanje edukacijsko promotivnog materijala za potrebe udruženja (brošura, knjiga, lifleta, postera i sl.); zalaganje za realizaciju aktivnosti i projekata za podršku ostvarivanja ciljeva Udruženja; zalaganje i organizacija različitih aktivnosti okupljanja i takmičenja igrača i ljubitelja tavlje na prostoru Federacije BiH uz podršku partnera i donatora; zalaže se i organizuje edukaciju ili obuku zainteresovanih ljubitelja tavlje; saradnja sa drugim i srodnim udruženjima na prostoru FBiH, BiH i inostranstva.

4. Osoba ovlaštena za zastupanje i predstavljanje je: Ibrahim Balićevac - predsjednik udruženja.

Broj 03-03-05-3348/18  
09. aprila 2018. godine  
Sarajevo

Ministar  
**Mario Nenadić**, s. r.

(O-359/18)

## SADRŽAJ

<b>KANTON SARAJEVO</b>			
<b>Skupština Kantona Sarajevo</b>			
Odluka o davanju saglasnosti za osnivanje Srednje škole "Maarif Highschool" (Srednja škola "Maarif")	1	Zaključak broj 02-05-19440-46/18	5
<b>Vlada Kantona Sarajevo</b>		<b>Ministarstvo za obrazovanje, nauku i mlade Kantona Sarajevo</b>	
Odluka o dopunama Odluke o utvrđivanju domena i poddomena internet portala u Kantonu Sarajevo	1	Pravilnik o izmjeni Pravilnika o internoj evaluaciji znanja učenika osnovnih i srednjih škola i eksternoj procjeni znanja učenika osnovnih škola Kantona Sarajevo	6
Odluka o subvencioniranju rješavanja stambenog pitanja mladih	1	<b>Ministarstvo zdravstva Kantona Sarajevo</b>	
Odluka o odobravanju izdvajanja sredstava iz Tekuće rezerve Budžeta Kantona Sarajevo za 2018. godinu	4	Rješenje o dopuni Rješenja o imenovanju doktora medicine ovlaštenih za pregled, utvrđivanje vremena i uzroka smrti osoba umrlih izvan zdravstvene ustanove na području Kantona Sarajevo	6
Odluka o postojanju javnog interesa za dodjelu koncesije za eksploataciju podzemne pitke vode iz bunara TB-1 i TB-2, Općina Ilidža	4	<b>GRAD SARAJEVO</b>	
Rješenje o formiranju Komisije za koncesije	5	<b>Gradonačelnik</b>	
		Odluka o odobravanju sredstava tekuće rezerve	6

"Službene novine Kantona Sarajevo" - Izdaje Kanton Sarajevo - Redakcija i administracija: JP Novinsko-izdavačka organizacija Službeni list BiH - Sarajevo, ulica Džemala Bijedića 39/III - Poštanski fah 3 - Direktor i odgovorni urednik: Dragan Prusina - Telefoni: Centrala: 722-030 - Direktor: 722-061 - Pretplata: 722-054, faks: 722-071 - Oglasni odjel: 722-049, 722-050, faks: 722-074 - Služba za pravne i opšte poslove: 722-051 - Računovodstvo: 722-044, 722-046 - Komercijala: 722-042 - Pretplata se utvrđuje polugodišnje, a uplata se vrši UNAPRIJED u korist računa: UNICREDIT BANK DD 338 320 22000052 11 - VAKUFСКА BANKA d.d. Sarajevo 160 200 00005746 51 - HYPO-ALPE-ADRIA-BANK A.D. Banja Luka filijala Brčko 552-000-00000017-12 - RAIFFEISEN BANK d.d. BiH Sarajevo 161-000- 00071700-57 - Štampa: Unioninvestplastika d.d. Sarajevo - Za štampariju: Jasmin Muminović - Reklamacije za neprimljene brojeve primaju se 20 dana od izlaska lista.

Upis u sudski registar kod Kantonalnog suda u Sarajevu, broj UF/I 2168/97 od 10. 07. 1997. godine. - Identifikacijski broj 4200226120002. - Porezni broj 01071019. - PDV broj 200226120002. Pretplata za I polugodište 2018. za "Službene novine Kantona Sarajevo" iznosi 80,00 KM.

Web izdanje: <http://www.sluzbenilist.ba> - godišnja pretplata 240,00 KM po korisniku.